

## LOWE, WALTER BEZANT (1854 - 1928), hynafiaethydd

**Enw:** Walter Bezant Lowe  
**Dyddiad geni:** 1854  
**Dyddiad marw:** 1928  
**Rhyw:** Gwryw  
**Galwedigaeth:** hynafiaethydd  
**Maes gweithgaredd:** Hanes a Diwylliant  
**Awdur:** Robert Thomas Jenkins

Ganwyd yn Islington ar y 3ydd o Ionawr 1854; aeth i ysgol Rugby (ar derfyn ei yrfa yno, yr oedd yn 'ben yr ysgol') ac i Goleg S. Ioan yng Nghaergrawnt, lle y graddiodd yn 1877 gydag anrhydedd yn y dosbarth blaenaf (1876) mewn gwyddoniaeth - cemeg yn arbennig. O 1877 hyd 1879 bu'n un o athrawon y tywysog Siôr (Siôr V) a'i frawd hynaf, ar fwrdd y llong *Britannia*. Yn ddiweddarach, bu ganddo ysgol breifat yn Fareham. Yn 1904, ymneilltuodd i fyw yn Cae'r Carw, Llanfairfechan, ac yno datblygodd ddiddordeb a gweithgarwch mawr yn hanes a hynafiaethau Gwynedd : yr oedd yn un o aelodau bore'r 'Llandudno Field Club,' a bu am flynyddoedd lawer yn olygydd ei Drafodion; yr oedd hefyd yn aelod o Gymdeithas Hynafiaethol Cymru, a chyfrannodd ysgrifau (megis 'The Price Families of Plas Iolyn and Gilar,' 1912) i *Archæologia Cambrensis* Mwy hysbys yw'r rhes o lyfrau a gyhoeddodd ar ei draul ei hunan, yn enwedig *The Heart of Northern Wales*; ei fwrriad ar y cychwyn (1911) oedd dwyn allan argraffiad diwygiedig o *History of Aberconwy* **Robert Williams**, ond gwelodd na thyciai hynny, a thyfodd y gwaith yn llyfr dwy gyfrol (1912 a 1927) yn ymdrin â chylch llawer helaethach. Heblaw'r llyfr hwn, cyhoeddodd Lowe adargraffiad (1906) o *Survey of Penmaenmawr*, **John Wynn** o Wudir; *Abbeys and Convents of the Vale of Conway*, 1912, gyda Thomas Elias; *Llansannan*, 1915; ac amryw deithlyfrau a mapiau. Eisoes cyn ymddangosiad yr ail gyfrol o'r *Heart of Northern Wales* yr oedd ei iechyd wedi torri, ac yntau wedi symud (1926) i Fangor, lle y bu farw 7 Mai 1928, yn 72 oed.

### Awdur

**Yr Athro Emeritus Robert Thomas Jenkins**, (1881 - 1969)

### Ffynonellau

Ysgrifau cofa yn *Archaeologia Cambrensis* a'r *Proceedings of the Llandudno and District Field Club* (Llanfairfechan 1906-1953), 1928

Venn, *Alumni Cantabrigienses*

### Dolenni Ychwanegol

Wikidata: Q20734555

**Dyddiad cyhoeddi:** 1953

**Hawffraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gyd'nabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Jenkins, R. T., (1953). LOWE, WALTER BEZANT (1854 - 1928), hynafiaethydd. Y *Bywgraffiadur Cymreig*. Adferwyd 10 Tac 2024, o <https://bywgraffiadur.cymru/article/c-LOWE-BEZ-1854>

Prifysgol

Prifysgol  
Hawffraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government